

Est. g. m. 1588 Henry III
55
24
1302
LA REMONSTRANCE


S V S D I C T E F A I C T E, S A
Majesté reprint la parole, disant,



ESSIEURS, vous auez ouy la teneur de mon Edict, & entendu la qualité d'iceluy & la grandeur & dignité du serment que vous allez presentement rendre: Et puis que ie voy vos iustes desirs tous, conformes au mien, ie iureray, comme ie iure deuant Dieu en bonne & saine consciée, l'observation de ce mien Edict tant que Dieu me donnera la vie çà bas: veux & ordonne qu'il soit obserué à iamais en mon royaume pour loy fondamétale, & en tesmoignage perpetuel de la correspondance, & consentement vniuersel de tous les Estats de mon royaume, vous iurerez presentement l'observatiõ de ce miẽ Edict d'vnion, tous d'vne voix: mettant par les Ecclesiastiques, les mains à la poitrine, & tous les autres leuans les mains au ciel.

Ce qui fut faict avec grãd applaudissemẽt & acclamation de tous, crians, Viue le Roy.

1588
A 20
19



Digitized by the Internet Archive
in 2010 with funding from
University of Ottawa

Est. gen. 1588 Henry III 55
24
1302
LA REMONSTRANCE

S V S D I C T E FA I C T E, SA
Majesté reprint la parole, disant,



ESSIEURS, vous auez ouy la teneur de mon Edict, & entendu la qualité d'iceluy & la grandeur & dignité du serment que vous allez presentement rendre: Et puis que ie voy vos iustes desirs tous, conformes au mien, ie iureray, comme ie iure deuant Dieu en bonne & saine consciée, l'observation de ce mien Edict tant que Dieu me donnera la vie çà bas: veux & ordonne qu'il soit obserué à iamais en mon royaume pour loy fondamétale, & en tesmoignage perpetuel de la correspondance, & consentement vniuersel de tous les Estats de mon royaume, vous iurerez presentement l'observatiõ de ce miẽ Edict d'vnion, tous d'vne voix: mettant par les Ecclesiastiques, les mains à la poitrine, & tous les autres leuans les mains au ciel.

Ce qui fut faict avec grãd applaudissemẽt & acclamation de tous, crians, Viue le Roy.

1588
A 20
19
coll 94

sa Majesté a voulu qu'il fust dressé un acte de serment, qu'elle faiët selon qu'il est cy apres declaré, pour servir de memoire perpetuelle d'un acte si solemnel.



A V I O U R D' H V Y dixhuiëtiesme iour d'Octobre, mil cinq cens quatre vingts huiët, le Roy seät à Bloys, en pleine assemblee des Estats generaux de son royaume: a iuré en sa foy & parole de Roy de tenir & observer la presente loy en tout ce qui dependra de sa Majesté. Et Messeigneurs les Cardinaux de Bourbon, de Vendosme, Comte de Soissons, Duc de Montpensier, Cardinaux de Guyse, le Lenoncourt, & de Gondy, Ducs de Guyse, de Nemours, de Neuers, & de Retz, Monsieur le garde des sceaux de France, & plusieurs autres seigneurs, tant du Conseil de sa Majesté que deputez des trois Estats de cedit royaume, ont iuré de garder & entretenir inuiolablement ladicte loy, tant en leurs noms propres & priuez, que pour l'Estat & les provinces, qui les ont deputez pour se trouuer en ceste assemblee generale des Estats: Moy Ruzé Secretaire d'Estat & des Commandemens de sadite Maieité present.

Ce faiët sa Majesté tesmoigna le desir qu'elle auoit de mettre fin à ceste assemblee, & pourueoir à tous ses subiets, sur leurs iustes plaintes, & doleances, & pour cest effect promet ne

se departir de la ville de Bloys, iusques à l'entier paracheuement de la tenue desdits Estats. Ordonnant pareillement à tous ceux de ladite assemblée, de ne s'en departir aucunement. Dont sa Majesté fut remerciee de toute l'assistance.

L'assemblée se retirant, sa Majesté avec les Roynes, Princes, Princesses, messieurs les Cardinaux, Prelats, & autres Sieurs, avec tous les deputez des trois Estats, alla en l'Eglise de S. Sauueur faire chanter le *Te Deum*, où ils furent tousiours accompagnez du commun consentement, & voix generale de tout le peuple, criant, Viue le Roy, & monstrant vne extreme ioye & allegresse.

A ij

AV ROY NOSTRE
SOVVERAIN PRINCE
& Seigneur.



SIRE,

Les excelléces que les plus grâds philosophes ont desirées en vn Roy pour le rendre parfait, reluisent si haut en vostre Majesté, que suricelles on peut dresser le modelle, & patron d'un prince accomply, & orné de toutes les parties requises à bien regner: tellement que vos vertueuses, & diuines actions, tesmoignent estre veritable, ce qu'a dit Homere, & autres apres luy, que les Rois sont les enfans de Dieu, ses images & vicaires, conduiseurs & familiers avec luy. Dieu par son incomprehensible prouidence, comme il enuoye aux empires, royaumes, & republiques diuerses mutations, remuemens, playes, afflictions, & traueses, aussi il choisit des princes qu'il fait naistre & regner aux temps plus turbulens, confus & troubles, comme reseruez par son infinie bonté pour releuer les choses desesperées, reformer le desordre & remettre en son entier, & premier estat, les pays plus corrompus & desolez. Depuis la mort de ce bon Roy Henry d'heureuse memoire, vostre tres-honoré pere, la France a esté agitée de tant d'afflictions,

troubles, diuisions & guerres ciuiles, qu'elle sembloit estre precipitee au dernier iour de sa cheute: & chacun sçait que sans le tresprudent conseil & admirable vigilance de la Roynie vostre tres-royale mere, & mere de France, nec pour le bien public d'icelle, ce royaume qui autrefois s'est rendu par la puissance des Rois, & generosité des subiets, redoutable à toutes nations, fust tombé en proye aux voisins, mespris aux estrangers, & miserable desolation aux François mesmes. Estant venu à la couronne, vostre Majesté a trouué les choses grandement troublees, vous auez voulu y pourueoir par la conuocation des Estats de vostre royaume: toutesfois les nouuelles diuisions, qui de diuerses parts & occasions l'ont trauersé & reiecté en plus grands troubles, ont retardé ou plustost corrompu le fruiet, que vostre majesté & vos subiects en esperoiét. Mais ainsi que vn bon & expert pilote, tenant tousiours en main le gouuernail de vostre royaume auec soing perpetuel, ayant surmonté les plus facheuses tempestes & orages, auez aduisé de reprendre le mesme cours de la conuocation de vos Estats comme le plus seur & droit signal, pour adresser la conduicte d'iceluy au port de salut. Tellement que par experience nous cognoissons que rien ne vous est plus cher, apres l'honneur de Dieu, que la conseruation de vostre estat, c'est à dire, de vostre royaume & dignité royalle, & le bien, repos & tranquillité

de vos subiers : & que Dieu vous a esleu & reserué en ce temps calamiteux, comme né au salut & bien public de vostre royaume, pour le restablir en sa pristine splendeur, gloire, richesses & puissance. Dés vostre ieunesse vous avez esté nourry & institué, ainsi qu'un Alexandre le Grand, où (sans repeter les vieilles histoires) l'Empereur Charles le 5. aux affaires publiques, non aux delices & molleses, qui souuent corrompent les plus nobles esprits. Vostre personne royale, en l'aage que les autres princes, & seigneurs, ont accoustumé de s'adonner aux exercices de plaisir, s'est virilement armee, & presentee aux durs assauts, & sanglantes batailles, comme lieutenant du feu Roy vostre frere, contre les ennemis & de la sainte religion Catholique, & du royaume. Vous avez dès lors marqué en vostre sceptre, & en la memoire le renom immortel des admirables victoires qu'avez obtenues, & qui ont fait voler vostre gloire iusques aux Sauromates, que les anciens estimoient faire un bout du monde. Vous avez avec plus grand honneur que Vlysse, retenant toutesfois sa prudence, veu & cognu diuers peuples & leurs diuerses mœurs, regné en Pologne, & Lituanie, commandé à ces peuples septentrionaux, avec si grande sagesse qu'ils regrettēt encores vostre abscece. Qui pourroit desirer en un Roy meilleures, & plus excellentes marques de royale & vertueuse institution ? Icelle certainemēt a depuis

demonstré que la suite de vostre vie, a tousiours aspiré aux choses dignes d'un Roy. Ce qui me faict resouuenir d'une sentence de Demosthene, qui dit que selon les entreprinſes des hommes, on iuge de leurs esprits. Car les grands & genereux esprits, entreprennent choses hautes & excellentes, & ne se peut faire, que ceux qui s'adonnent aux choses petites & viles, ayent les esprits nobles & courageux. Vostre majesté en toutes ses actions n'a rien montré que genereux, royal & admirable, vous estes donc Roy digne de royauté. Je ne scaurois reciter toutes vos louâges & vertus royales, & le plus grand orateur qui fut iamais, ne le pourroit declarer : vous seul, comme les auez faites, pouuez par vostre admirable eloquence les représenter. Peut-on recognoistre aux histoires Françoises & estrangeres victoire plus memorable, que celle laquelle l'année dernière, Dieu vous a donnée contre les Reistres, Suisses, & autres ennemis suscitez & conduits par aucuns de vos subiects rebelles? Vous y auez usé d'une prudence diuine, vous rendant plus aduisé, & expert aux entreprinſes militaires en vostre aage viril, que n'auoit fait ce vieil & tant renommé capitaine Fabius le tresgrâd. C'est chose rare & admirable de veoir en un Empereur, Roy & monarque la sagesse politique autant excellente, que la prouesse militaire: & les deux ne se sont gueres rencontrees en esgalle ballance en un mesme prince : car sou-

uent aduiēt que la force belliqueuse emporte la prudence ciuile. Toutesfois ces deux vertus font si bien cōioinctes en vous, qu'elles n'ont esté mieux remarquées en Auguste Cesar, Traian, aux Antonins, Charles Magne, Philippes Auguste, saint Loys, Charles 5. & autres grâds Empereurs & Roys. Mais vous les surpassez tous en vne singuliere perfection, qui vous rend autant excellēt à biē dire, qu'à bien & vertueusement faire. Vostre royaume representé par les trois ordres d'iceluy, a ouy vostre oraison, laquelle auez eue à l'ouuerture de vos estats, & icelle procedant de vostre royal esprit a démontré toutes vos saintes, louables & diuines cōceptions, & autorisé vos actions conformes à icelles. Quelle oraison? Je diray sans flaterie ce que la voix commune de tous les assistans a publié (car deuant vn Roy vertueux, & veritable ne faut vser de flatteuses & fardees paroles) que c'estoit la sainte exhortation d'un grand theologien, orné d'un zele royal, le graue discours d'un Sénateur bien entendu en la philosophie politique, & l'oraison d'un excellent orateur, comme d'un Demosthene, haranguant en l'assemblée des Atheniēs, ou de Ciceron disant au Senat ou deuant le peuple Romain. Que ce vœu & deuote priere dont auez commencé, represente avec le zele Chrestien qui enflamme vostre cœur, la vehemence de bien dire, de laquelle les orateurs auoyent accoustumé d'vsar aux plus grandes causes. Vous en

auez

avez parauenture prins l'exemplaire aux liures
sacrez, tant la lecture d'iceux vous est familie-
re. C'est en quoy vostre maiesté se rend plus
royale: car considerant que l'appuy, forteresse
& conseruation de tout estat, principalement
entre les Chrestiens consiste en la pieté & reli-
gion, vous l'avez tousiours si fermement em-
brassée, qu'avez maintenu ce tiltre de Roy tres-
Chrestien, lequel encores qu'il ne vous fust he-
reditaire, vous avez de vous-mesmes merité
pour le perpetuer & cōseruer à vos successeurs.
Nous auons esté comme les sieureux ne pou-
uans durer en vn lieu, ny trouuer repos au
changement de lieu à autre & n'attédans qu'y-
ne miserable fin de nostre langueur. Mais vous
tres-expert & tresbon medecin nous avez se-
cours de remede si salutaire, que nous avez
remis en conualescence, & faict reprendre vn
espoir de plus seur repos & tranquillité: ç'a
esté par vostre Edict d'vnion à la religion Ca-
tholique, Apostolique & Romaine, qui est l'a-
cienne, seule & vraye religion. Car icelle nous
vnit tous à Dieu, & nous conioinct de si e-
stroicte alliance, qu'en tous estats elle maintiēt
vn bon ordre, estant la conseruation des roy-
aumes & republicques: comme l'heresie son
contraire en est la subuersion. Vous avez cy
deuant authorisé cest Edict par vn serment
obligatoire enuers Dieu, auquel aussi vos sub-
iets Catholiques se sont soumis. Mais vous a-
uez encores volontairement promis deuant

Dieu, par vous derechef inuoqué, en la presence de vos subiets de renoueller la publicatiō, & le serment, pour en faire vne loy fondamentale, perpetuelle, & inuiolable de vostre royaume, ô zele tres chrestien qui ne cede en rien à celuy des anciens Rois Dauid, Iosaphat, Ozias, Ezechias, & autres tant renommez en l'Escripture sainte, n'y à celuy de Theodose le grand, de S. Loys, & du grand Roy François vostre ayeul. Zele qui vous a esté inspire de Dieu, en grauant dans vostre cœur vn Edict, que ie diray hardiment auoir esté auparauant dicté & ordonné au ciel. Aussi vous sçauiez que par la crainte de Dieu, qui est le commencement de toute sagesse, les Rois regnēt, & sont maintenus en leur estat : & encores que les subiets doyuent obeyr à leur Roy tel qu'il soit, quand toutesfois ils le recognoissent rempli de pieté, comme plus fauorisé de la grace diuine, ils l'ayment de plus grand fidelité, l'aymans, l'honorent & respectent avec toute obeissance, priēt & veillent sans relasche, pour la prosperité de sa personne, accroissement & seureté de son estat, & ne font difficulté d'exposer leurs biens & leurs vies iusques à la derniere goutte de leur sang, pour la defense d'un prince, qui a en telle recommandation leur conscience & religiō, que leur estat conioinct en icelle, il y dresse toutes ses pensees, desseins & actions. La force de la religion & la beauté d'icelle est plus forte que celle de toute autre vertu, car sans estre-

veüe des yeux corporels, elle excite en nos cœurs vne merueilleuse amour d'elle-mesme, & aspire tousiours à ceste vnion parfaicte qui accorde les esprits en vnitè de foy, pour donner en ce monde vne concorde de vraye paix, & apres la mort la beatitude eternelle. C'est le commandement que tant de fois nostre Seigneur Iesus Christ nous a repeté, & les Apostres ont recommandé, comme non moins sainctement qu'elegamment auez Sire, remonstré par le discours de vostre oraison. Thucydide & autres qui ont escrit des affaires & guerres de la Grece, ayans obserué que la cause des diuisions entre les Grecs procedoit de la diuersité des gouuernemens, partialitez & factions entre les grands, & intelligence avec les Roys estrangers, ont estimé estre besoing pour les recõcilier & faire viure en paix, qu'ils s'accordassent en vnanimès volontez, non seulement les citoyens d'une mesme ville entre eux, ains aussi tous les Grecs ensemble par vn consentement vniuersel: afin de s'acquerir & conseruer vn bien commun contre leurs ennemis qui les entretenoyent en diuisant. Mais les Grecs n'ayans voulu suyure ce conseil se sont ruinez d'eux-mesmes. Ceste consideratiõ encores qu'elle ne soit que politique pour seruir d'argument pour monstrier la necessité, laquelle fondee sur vne raison plus forte, qui est l'honneur de Dieu, & exaltation de son Eglise Catholique, a incité vostre religieux

desir à retirer vos subiets de diuisions, & les rassembler non seulement en vn accord de mutuelles volonteiz ains aussi en vnit  de la perfection de toutes volonteiz, qui est la pure & sincere religion: dont s'est li  & plus fort reli  le n ud de la fidelit  & obeissance qui est deu    vostre majest , & par mesme moyen toutes defiances, partialitez, & occasions de troubles ont est  arrachees, des c urs de vos subiets Catholiques, lesquels ayans receu l'honneur d'estre associez avec vous en vne si sainte & ferme vnion, pour n'estre ingrats d'un si grand benefice, doyuent, apporter aux pieds de vostre maiest  les v us de leurs fideles seruices & loyautez. Mais (  soing incomparable procedant d'inspiration celeste, & de mesme zele que voz autres actions par vostre edict vous ne regardez seulement au temps present & de vostre vie, ains aussi auez assure vostre royaume d'un repos perpetuel, par vn successeur Catholique s'il aduient que Dieu vous appelle de ce m de sans enfans: Imitant le prudent laboureur, lequel pouruoit en est  que le torrent coustumier de deborder en hyuer ne gaste la terre qu'il a songneusement labouree & semee: Toutefois voz suiets ont meilleure esperance, que Dieu vous reserve vn Auguste comme il fait   Loys 7. vous estant encor  loing de l'aage, auquel Dieu luy donna vn fils. Ce qu'auec v us & ardentes prieres nous luy demandons incessamm . Mais outre le diuin

& admirable discours qu'avez faict de la religion, vous avez par vostre exemple si excellemmēt depeinct le deuoir d'un prince parfait, qu'il n'en faut chercher plus belles couleurs aux descriptions des philosophes & historiens. Car vous avez monstré avec Zenophon que le vray prince est celuy lequel par la loy & raison commande au peuple, qui volontairement luy obeit. Nous sçauons que tout estat public gist en ces deux poincts, à sçauoir bien commander & bien obeyr, & qu'entre iceux y a telle relation & correspondance, que le defect de l'un, engendre souuent la faute de l'autre. Nous n'ignorōs aussi quelle est la souveraine auctorité de Monarque, auquel qui pēseroit donner un esgal ou compagnon, diminueroit de son estat, entreprendroit sur sa maiesté, & depeceroit la souveraineté mesme: mais puis que c'est le deuoir du prince de se gouverner par conseil, vous avez bien exprimé la sentence de l'Empereur Romain, que la voix est digne de la maiesté d'un Roy, lequel encores qu'il soit exempt & par dessus les loix, neantmoins se declare estre subiect aux loix, & celle du Roy de Lacedemon qu'en laschant & quittant de vostre auctorité aux estats de vostre auctorité aux estats de vostre royaume, rendez iceluy plus ferme & durable. Et afin que vos subiets cognoissent plus parfaictement vostre affection paternelle enuers eux, vous avez diserrement, & en paroles de Roy decla-

re aux depurez de voz estats, tous les poinçts
necessaires pour bien establir ou reformer vn
estât, et adiuré iceux par le Dieu viuât de vous
en donner bons & fidelles aduis, & conseils.
Enquoy representez ce que Pline disoit à Tra-
ian que la Maiesté d'un Prince est de pour-
ueoir tout ce qu'il veult, mais qu'il appartient à
son humanité & clemence de ne vouloir que
ce qui est iuste & raisonnable : aymer & em-
brasser ses subiets, comme hommes & cytoïes
de son Empire. Qui est l'Empereur, qui est le
Roy si renommé pour sa douceur, & benigni-
té, qui se soit tant communiqué à son peuple,
& luy ait tant departy de sa puissance comme
faict vostre Majesté, laquelle non seulement
reestablit l'ancienne auctorité des Estats de la
France, desquels l'assemblée estoit iadis le grād
conseil de parlement du Royaume, ains aussi
leur asseurer & confirmer icelle, avec serments
de faire entretenir, observer & executer cōme
loy inuiolable de la France, tout ce qui aura
esté aduisé & resolu ausdits estats, desquels vo-
stre Majeste est le chef. Que peut on demander
dauantage à vn tel Roy? vous auez iustement
merité le tiltre qu'on donnoit à l'Empereur
Tite fils de Vespasien, l'amour & delices du
genre humain : ou plustost auez succédé aux
trois tiltres de Loys xij. François premier vo-
stre ayeul, & du Roy Henry vostre pere, & a-
uez obtenu d'estre appellé pere du peuple, pe-
re des sciences, & pere de noblesse : tiltres qui

vous sont desia consacrez en immoitalité: Sire vostre Majesté me permettra de vous dire que vós victoires sont grandes, & à la gloire de vostre nom & de vostre Royaume, mais d'autant que pour les obtenir vous estes aydé de la prudence & adresse de voz capitrines, forces & vaillances de vos gensdarmes & soldars, cōmoditez des lieux, & autres occasions qui se rencontrent aux guerres, vous ne les pouuez du tout faire vostre: Mais ceste bonté & clemence, qui attire comme vne belle fleur, voz subiects à vous aymer & honorer est entierement vostre: C'est celle qui rend le Roy plus semblable à Dieu tresbon, qu'autre vertu. Et certainement, elle vous est si propre & naturelle, qu'elle vous rend amyable aux estrangers & à voz ennemis mesmes, non seulement à voz subiects, qui en ont souuent recueillis de beaux fruiçts. Et avec vos autres treslouables titres meritez mieux d'estre surnommé le debonnaire, que l'Empereur Anthonin, n'y aucun des Rois vos predecesseurs, & toutefois ceste benigité est acompagnée d'une iustice, qui ne vous rend moins admirable que Trajan, Charles-Magne ou S. Loys. Et vous attribue l'autre tiltre de Dieu, de tres-grād & puissant: Car vous estes son image & vicaire, en terre, & demonstrez par vos actiōs, que n'avez autre dessein que de l'imiter. Il me seroit facile de reciter les causes, & fortunes, & les solemnitez, de la conuocation des Estats, & de l'an-

ienne auctorité d'iceux, mais vostre Majesté y a satisfait, tant par ses mandemens, enuoyez pour conuocquer ceux qui sont à present assemblez en cette ville, que par la remonstrance qu'en auez faicte ce iourd'huy d'une voix, Assauoir que tel a tous-iours esté le souuerain remede aux affaires troubles de la France, duquel les roys comme tres sages medecins se sont voulu ayder, pour y reestabli vn meilleur ordre, & purger les corruptions, lesquelles comme mauuaises humeurs auoyent gasté & alteré l'estat du Royaume tant au corps vniuersel, qu'en ses parties, ce que estoit en ce tēps tres necessaire pour l'iniure & malheur des troubles, diuisions & guerres ciuiles, qui auoient produict les effaicts ordinaires de tout desordre. La grandeur du Prince reluit d'auantage, quant elle resplendit en la presence de ses subiects, qui d'autant plus l'honnoient, qu'ils connoissent, que franchement il se communique à eux, & ainsi qu'un pere tant humain se peut accommoder à leurs aduis, comme faict vostre Majesté ne se proposant autre but, que celuy d'un bon Prince & gouuerneur de republique, assauoir le salut, repos & prosperité des subiects. Vous debuez aussi François à (sa Majesté me permettra de vous adresser ma parole) apporter de vostre part avec l'obeissance & fidelité, que Dieu, nature & les loix de toutes gens & principalement de la France vous commandent & obligent de rendre à vostre bon

naturel & legitime, tous les moyens cōuenables
 pour bien dresser & cōmencer, mieux continuer
 & s'aduancer, & entierement parfaire vne œuvre
 si necessaire, salulaire & louable. Vostre Roy vo⁹
 en prie, incite & exhorte vous faire l'ouuerture
 des moyens, vous auctorise de ce faire, vous pro-
 met son assistance, & qui sera le fruct de voz la-
 beurs, il vous assure de faire inuiolablemēt gar-
 der ce qui sera par voz aduis resolu & arresté en
 ceste assemblée, & au parauant la separation d'i-
 celle, il est Roy veritable, il faut que sans flechir
 & encliner par passions particulieres voz espritz
 en vne part ou en l'autre, regardiez seulemēt vo-
 stre Roy, prenans pour tout exemplaire sa saincte
 royalle intention, l'amour de la patrie est le bien
 public, & sur tout comme de sa part il ne defaut
 rien à bien cōmander. Faiētes aussi vostre deuoir
 de bien obeyr & maintenir son Estat & auctorité
 souueraine, l'establissement & augmentation de
 laquelle est la seureté & conseruation du Royau-
 me, & de tous les Estatz d'iceluy, qui d'elle sont
 soustenuz & en despendēt, les François ont tous-
 iours porté tant d'honneur & de reuerence à leur
 Roy, le recognoissāt pour l'oinct de Dieu, qu'ilz
 ont eu sa personne & son Estat en grand venera-
 tion, n'ayant iamais faiēt doute & refus d'exposer
 leurs personnes & leurs biens pour la deffence de
 sa couronne, exaltation de son sceptre, & mainse-
 nement de sa grandeur, & principalement la no-
 blesse, iadis tant renōmee entre les nations estrā-
 geres par sa generosité, prouesse & fidelité, main-
 tenant que nostre Roy se rend plus familier à ses
 subiectz, & communique gracieusemēt avec eux,

des affaires de son Royaume, ne doiuent il pas se
 rēdre plus obeissant & disposez à son seruice, afin
 de faire en la balance de l'estat vn autre poix d'o-
 beissance à l'esgard de sa royalle bôté. Toute puis-
 sance mondaine est ordōnee de Dieu, lequel par
 son infinie prouidence establit les Empereurs, les
 Roys, & autres princes souuerains pour gouuer-
 ner les peuples qui leur sont baillez en garde, il a
 mis le glauiē en leurs mains pour marque de leur
 auctorité, ilz sont ses lieutenans en terre, vsans de
 la domination qu'il leur a departie, tellemēt que
 celuy qui resiste & desobey à sō Roy, desobey aussi
 à Dieu, la personne du Roy est sacrosaincte & in-
 uiolable, non seulement parce qu'il est le pere &
 deffendeur du peuple, cōme estoient les tribuns
 du peuple de Rome, ains d'autāt qu'il est esleu de
 Dieu, son oinēt & son image, & tout prince gene-
 reux est ialoux de son Estat, tār pour la seureté d'i-
 celuy, que pour le bien de ses subiectz, cōme aussi
 no^r lisons: Dieu est ialoux de son hōneur & gloi-
 re. Il me ressouient auoir leu en Homere, parlāt
 à la mort de Sarpedō, qu'il y a vn destin, que ceux
 qui font mourir les enfans des Dieux ne peuent
 iamaïs euirer vne mort violēte. Les Roys sont les
 chers enfans de Dieu, principalemēt ceux qui vi-
 uent selon la loy, & sur tous les Chrestiens. Si en
 la naissance de l'Eglise les Chrestiens estoient si ze-
 lez & soigneux, comme Tertullian & autres Do-
 cteurs telmoignent, de faire vœux & prieres à
 Disu pour les Empereurs, encōres qu'ilz fussent
 Ethniques, & aucuns tyrans, pour accroissement
 de leur Empire, conseruation de leur grandeur,
 prosperité de leur vie, & prolongation de leurs

ans, tranquillité de leurs subiectz, obeissance & amour d'iceux enuers les Empereurs, serôs nous en la fleurissante virilité de l'Eglise si refroidis du zeile chrestien, nous François qui tant auons esté renommez pour la deuotion Catholique, & fidelité enuers noz Roys que defaillions en rien au deuoir & bien-vueillance que deuons volontairement rendre à nostre Roy treschrestié, successeur legitime des Roys, qui depuis Meronee ont tenu ceste grande Monarchie, & luy ont de race en race, de lignee en lignee conserué successiue-
 mēt le sceptre qui iustement luy appartient, l'ayāt meritē deuant qu'estre venu à la couronne il no^r embrassa d'une parfaicte amour, estant plus soigneux de nous, que n'en sommes nous mesmes. N'y a chose qui plus recommande au peuple que l'obeissance enuers ses superieurs & Magistratz, par ce qu'elle le faict viure en concorde & tranquillité. Et pour ceste cause entre tous les Grecz, les Lacedemoniens ont esté plus renommez, & ont plus longuement conserué leur estat, d'autāt qu'ilz sçauoiēt mieux que les autres obeyr à leurs Roys & Magistratz. Et en Perse y auoit vne Loy, que celui qui auoit fasché le Roy, estoit digne de mort. Mais sans chercher ailleurs des exēples, nous en auons assez aux histoires Françoises, que tant que les François ont fidelement obey & adheré à leurs Roys, soustenu, fauorisé & deffendu leur estat, iiz ont vescu heureusement en repos & prosperité. Au contraire, quand ilz se sont voulu partialiser, ilz se sont precipitez és troubles, dissensions & querelles. Il nous faut donc presenter à nostre Roy, avec telle constance que soyons

rousiours prests d'exposer noz personnes & noz
 biefs pour son seruice, & conseruation de son E-
 stat. Nous sacrifier comme fit Iphigene pour le
 salut de ses Grecz, car toutes les consideration
 qui nous peuuent inciter à l'amour de la patrie,
 se rencontrent en vn bon Roy, qui edclost la par-
 tie mesme, & en est le chef. Mais Sire, d'autât que
 messieurs les deputez de l'Eglise, de la noblesse, &
 du tiers Estat vous ont faict des remerciemens &
 offres par leurs harangues trop plus eloquentes
 que ie ne scaurois esprouuer, dont auez receu
 grand contentement, ie mettray fin à la presente
 apres auoir deuotemēt supplié Dieu de vous cō-
 tinuer la magnanimité de Charlemaigne, avec le
 double de ses ans, prosperité de Philippes Augu-
 ste, de vous donner aussi heureuse lignee qu'au
 Roy saint Loys, duquel vous imitez les vertus,
 & la sainte vie. Et eu fin la beatitude eternelle.
 De vostre ville de Blois ce seiziesme iour d'Octo-
 bre, mil cinq cens quatre-vingtz & huiet.

*Le tres-humble, tresobeissant & tresfidelles seruiteur,
 & subiect de vostre Maiesté.*

L. Charondas le Caron, député du tiers Estat
 de vostre Bailliage & Comté de Cier-
 mont en Beauuoisis.

FIN

